

摘藻堂四庫全書薈要

史部

欽定四庫全書薈要卷六千七百六十七 史部

明史卷一百七十四

大學士張廷玉等奉 敕修

列傳第六十二

史

昭

劉

昭

李

達

巫

凱

曹

義

聚

許

貴

子

寧

周

賢

子

玉

歐

信

王

璽

魯

鑑

子

麟

孫

經

劉

寧

周

璽

鑑

彭清

姜

漢

子 孫應熊

安國

杭雄

史昭合肥人永樂初積功至都指揮僉事八年充總兵官鎮涼州土軍婁達袞先與千戶呼巴作亂呼巴敗婁達滾就撫昭上書言其必叛狀未至而婁達袞果叛昭與都指揮滿都等擊平之移鎮西寧仁宗立進都督僉事上言西寧風俗鄙悍請設學校如中土報可宣德初昭以衛軍守禦不暇屯種其家屬願力田者七百七十

餘人請俾耕藝收賦以足軍食從之五年庫森衛都指揮使薩奇蘇邀劫西域使臣昭率參將趙安中官王安王瑾討之長驅至庫森薩奇蘇望風遁擒其黨達勒達布哈等獲男女三百四十人馬駝牛羊三十餘萬威震塞外捷聞璽書慰勞賞賚加等七年春以征西將軍鎮寧夏博迪達爾瑪犯邊遣兵擊之至庫爾台察罕俘獲甚衆進都督同知正統初昭以寧夏孤懸河外東抵綏德二千里曠遠難守請於花馬池築哨馬營增設烽堠

直接哈喇烏遜邊備大固尋進右都督時阿勒台多爾濟巴勒數寇邊詔昭與甘肅守將蔣貴趙安進剿並無功被詔切責貶都督僉事三年復右都督八年以老召還明年卒昭居寧夏十二年老成持重兵政修舉亦會敵勢衰弱邊境得無事兵部尚書王驥寧夏參將王榮嘗舉其過朝議以昭守邊久習兵事不易也而與昭並為邊將最久有勲績可稱者都督同知劉昭鎮西寧二十年都指揮李達鎮洮州至四十年並為蕃漢所畏服

劉昭全椒人永樂五年以都指揮同知使朶甘烏思藏
建驛站還至靈藏番賊邀劫昭敗之進都指揮使鎮河
州宣德二年副陳懷討平松潘寇累進都督同知移西
寧復鎮河州兼轄西寧罕東酋札爾結邀殺中官使西
域者奪璽書金幣去命昭副甘肅總兵官劉廣討之扎
爾結請還所掠書幣貢馬贖罪帝以窮寇不足深治命
昭等還李達定遠人累官都督僉事正統中致仕

巫凱句容人由廬州衛百戶積功至都指揮同知永樂

六年以從英國公張輔平交趾功遷遼東都指揮使十一年召帥所部會北京明年從征沙漠命先還凱言諸衛兵宜以三之守守禦而以其一屯糧開原市馬悉給本衛乘操從之宣宗立以都督僉事佩征虜前將軍印代朱榮鎮遼東時中國人自塞外脫歸者命悉送京師俟親屬赴領凱言遠道往來恐致失所阻遼人慕歸心乃更令有馬及少壯者送京師餘得自便敵掠西山凱擊敗之盡得所掠者降敕褒勉帝常遣使造舟松花江

招諸部地遠軍民轉輸大困多逃亡會有警凱力請罷其役而逃軍入海西諸部者已五百餘人既而造舟役復興中官阮堯民都指揮劉清等董之多不法致激變凱劾堯民等下之吏英宗登極進都督同知上言邊情八事請厚恤死事者家益官吏折俸鈔歲給軍士冬衣布棉軍中口糧芻粟如舊制且召商實邊俱允行未幾為兵部尚書王驥所劾朝廷知凱賢令凱自陳并諭廷臣文武官有罪得實始奏誣者罪不貸凱由是得行其

志正統三年十二月有疾命醫馳視未至而卒凱性剛
毅饒智略馭衆嚴而有恩在遼東三十餘年威惠並行
邊務修飭前後守東陲者曹義外皆莫及義字敬方儀
真人以燕山左衛指揮僉事累功至都督僉事副凱守
遼東凱卒代為總兵官凱名將義承其後廉介有守遼
人安之烏梁海犯廣寧前屯詔切責命王翔往飭軍務
劾義死罪頃之義獲犯邊貝台等詔戮於市自是義數
與烏梁海戰正統九年會朱勇軍夾擊斬獲多進都督

同知累官左都督義在邊二十年無赫赫功然能謹守
邊陲其麾下施聚焦禮等皆至大將英宗復辟特封義
豐潤伯聚亦封懷柔伯居四年義卒贈侯諡莊武繼室
李氏殉詔旌之施聚其先沙漠人居順天通州父忠為
金吾右衛指揮使從北征陣歿聚嗣職宣德中備禦遼
東累擢都指揮同知以義薦進都指揮使義與烏梁海
戰聚皆從額森逼京師景帝詔聚與焦禮俱入衛聚慟
哭即日引兵西部下進牛酒聚揮之曰天子安在吾屬

何心饗此比至寇已退乃還聚以勇敢稱官至左都督
值英宗推恩得封伯後義二年卒贈侯諡威靖義三傳
至棟聚四傳至瑾吏部皆言不當復襲世宗特許之傳
爵至明亡

許貴字用和江都人永新伯成子也襲職為羽林左衛
指揮使安鄉伯張安舉貴將才試騎射及策皆最擢署
都指揮同知尋以武進伯朱冕薦擢山西行都司督操
大同諸衛士馬正統末守備大同西路額森入寇從石

亨戰陽和後日敗績貴力戰得還英宗北狩邊城悉殘

破大同當敵衝人心尤恟懼貴以忠義激戰士敵來擊
敗之進都指揮使景泰元年春充右參將敵寇威遠追
敗之蒲州營奪還所掠人畜敵萬騎逼城下禦却之再
遷都督同知大同乏馬命求民間得八百餘匹所司不
給直貴為請乃予之嘗募死士入賊壘劫馬百餘悉畀
戰士士皆樂為用分守中官韋力轉淫虐衆莫敢言貴
劾奏之三年疾還京英宗復辟命理左府事尋調南京

松潘地雜番苗密邇董卜韓胡舊設參將一人天順五年守臣告警廷議設副總兵以貴鎮守未抵鎮而山都掌蠻叛詔便道先翦之貴分兩哨直抵其巢連破四十餘砦斬首千一百級生擒八百餘人餘賊遠遁貴亦感嵐氣未至松潘卒帝為輟朝一日賜賻及祭葬如制子寧字志道正統末自以舍人從軍有功為錦衣千戶貴歿嗣指揮使用薦擢署都指揮僉事守禦柴溝堡成化初充大同遊擊將軍寇入犯與同官秦傑等禦之小龍

州澗擒其右丞巴圖等十一人改督宣府操練移延綏
地逼河套寇數入掠孤山堡寧提孤軍奮擊之三戰皆
捷寇渡河走明年復以三千騎入沙河墩與總兵官房
能禦之寇退復掠康家岔寧出塞百五十里追與戰獲
馬牛羊千餘而還時能守延綏無將略巡撫王銳請濟
師詔大同巡撫王越帥衆赴越遣寧出西路破敵黎家
澗進都指揮同知復遣寧與都指揮陳輝追寇花馬騾
六百朝廷以阿勒楚爾復入河套頻擾邊命越與朱永

禦以寧才擢都督僉事佩靖虜副將軍印代能充總兵
官寧起世胄不十年至大將同列推讓不及父友多隸
部下亦不以為驟踰月寇大入永遣寧及遊擊孫鉞禦
之至博囉堡相持三日夜寇乃解去亡失多寧以力戰
得出卒被賞至冬賊人安邊寧追擊有功七年又與孫
鉞祝雄等敗寇於鴻和忽圖河璽書褒獎迤北開元王
巴哈博囉屢欲降內懼朝廷見罪外畏阿勒楚爾讐之
徬徨不決寧請撫慰以固其心卒降之明年參將錢亮

敗績於師婆澗士卒死者十三四寧與越等俱被劾帝
不罪時們都埒等屢犯延綏寧帥鎮兵力戰寇不得志
乃出西路直犯環慶固原寧將輕騎夜襲之鴨子湖奪
馬畜而還又明年寇入榆林澗與巡撫余子俊敗之們
都埒等大入西路留其家紅鹽池越乘間與寧及宣府
將周玉襲破其巢進署都督同知與子俊築邊牆增營
堡寇患少衰十八年寇分數道入寧蹙之邊牆獲級百
二十子實授時越方鎮大同命寧與易鎮至則與鎮守

太監汪直不協巡撫郭鏜以聞調直南京小王子大入
寧知敵勢盛欲持重俟隙乃斂兵守而別遣將劉寧董
升與周璽相犄角寇大掠焚代王別堡王趣戰使衆哭
於轅門寧憤與鏜等營城外寇以十餘人為誘太監蔡
新部騎馳擊寧將士爭赴之遇伏大敗死者千餘人寧
奔夏米莊鏜新馳入城會璽等來援寇乃退寧還陣亡
家婦子號呼詬詈擲以瓦礫寧大喪氣已而寇復入劉
寧宋澄莊鑑等禦之十戰少利寇退寧等掩其敗更以

捷聞巡按程春震發之與鎧新俱下獄鎧降六官新以
初任降三官寧降指揮同知閒住弘治中用薦署都指
揮使分領操練十一年十二月卒贈都督僉事寧束髮
從軍大小百十餘戰身被二十七創性沉毅守官廉待
士有恩不屑干進劉寧神英李杲皆出麾下子泰自有
傳

周賢滁人襲宣府前衛千戶景泰初累功至都指揮僉
事守備猫兒峪助副總兵孫安守實巴爾城尋充右參

將代安鎮守烏梁海入寇總兵官過興令宣府副將楊
信及賢合擊賢不俟信徑擊敗之信被劾都御史李秉
言信緩師賢亦棄約帝兩宥之天順初總兵官楊能奏
賢擢都督僉事寇駐塞下能檄賢與大軍會失期徵下
獄以故官赴寧夏隸定遠伯石彪寇二萬騎入安邊營
彪率賢等擊之連戰皆捷追至野馬澗半坡墩寇大敗
而賢追不已中流矢卒詔贈都督同知賢初下吏自以
不復用及得釋感激誓死報竟如其志子玉字廷璧當

嗣指揮使以父死事超二官為萬全都司都指揮同知
督理屯田進都指揮使充宣府遊擊將軍九年會昌侯
孫繼宗等奉詔舉將才玉為首詔率所部援延綏從王
越襲紅鹽池進署都督僉事還守宣府寇入馬營赤城
擊敗之兵部言宣府諸大帥無功玉所部三千人能追
敵出境請加一秩酬其勞乃予實授尋充宣府副總兵
十三年佩征朔將軍印鎮宣府破敵紅崖追奔至水磨
灣進署都督同知十七年五月寇復入參將吳儼少監

崖榮追出塞至薩巴爾圖為所遮兵分為三皆被圍儼
榮走據北山困守守備張澄率兵進力戰解二圍抵北
山下儼榮已夜遁澄拔其衆而還死者過半澄所部七
百人亦多戰死詔錄澄功治儼等罪王先以葛谷堡赤
城頻受掠凡三被論至是復以節制不嚴見劾帝皆置
不問十九年小王子犯大同敗總兵官許寧入順聖川
大掠以六千騎寇宣府王將二千人前行巡撫秦紘兵
繼進至白腰山擊敗之指揮曹洪邀擊至西陽河都指

揮孫成亦敗寇七馬房時寇乘勝氣甚銳竟為玉等所挫一時稱其功未幾寇復入玉伏兵敗之朱永至大同復會玉軍擊敗之鵠鵠峪進署右都督余子俊築邊牆玉不為力且與絃不相能子俊惡之奏與寧夏神英易鎮久之復移鎮甘肅孝宗嗣位實授右都督玉督邊牆工峻急部卒張伏興等以瓦石投之兵部言悍卒漸不可長遂戮伏興戌其黨土魯番貢獅子願獻還哈密城及金印贖所留使者玉為之奏帝命與巡撫王繼經畫

既果來歸玉等皆受賚七年病歸尋卒謚武僖玉初為偏裨及鎮宣府甚有名後涖甘肅部下屢失事又侵屯田死後事發子襲職降二等

歐信嗣世職金吾右衛指揮使景泰三年以廣東破賊功擢都指揮同知已命守備白羊口遷大寧都指揮使天順初以都督僉事充參將守備廣東雷廉諸府巡撫葉盛薦其廉勇進都督同知代副總兵翁信兩廣徭獞陷開建殺官吏帝趣進兵信破賊化州之馬里村再破

之石城擊斬海南衛反者邵瑄時所在盜羣起將吏不能定廣西參將范信守潯梧徭盡在境內陰納徭賂縱使越境流劫約毋犯已於是雷廉高肇悉被寇帝命廣西總兵官陳涇及信合勦時有斬馘而賊勢不衰朝廷猶倚范信會涇以罪徵乃擢范信都督僉事充副總兵鎮廣東而命信佩征蠻將軍印代涇鎮廣西成化元年賊掠英德諸縣信討斬五百餘人奪還人口韓雍督師令信等分五哨攻破大藤峽已而餘賊復入潯州信被

劾獲宥召還理前府事七年春充總兵官鎮守遼東累敗福餘三衛言者謂信已老請召還巡撫彭誼奏官軍耆老五年餘人皆言信忠謹有謀勇累立戰功威鎮邊陲年六旬騎射勝壯士不宜召回乃留鎮如故久之陳鉞代誼鉞貪功信不能違十四年為巡按王崇之所劾其冬乃召歸尋遣中官汪直等往按直右鉞歸罪信等下獄鐫一官間住飲恨而卒范信既徙廣東賊勢愈盛劫掠不止乃語人曰今賊仍犯廣東亦我遣之耶而是

時都督顏彪佩征夷將軍印討賊久無功濫殺良民報捷嶺南人咸疾之

王璽太原左衛指揮同知也成化初擢署都指揮僉事守禦黃河七墅巡撫李侃薦於朝阿魯出寇延綏命充遊擊將軍赴援戰孤山堡敗之寇再入戰漫天嶺劉宗塢及滿達勒水磨川皆有功進都指揮同知充副總兵鎮守寧夏九年以將才與周玉同薦十二年擢署都督僉事充總兵官鎮守甘肅黃河以西自莊浪抵肅州南

山其外番人昂吉等二十九族所居也洪武間立石畫界約樵牧毋越疆歲久湮廢諸番往往闌入而中國無賴人又潛與交通為邊患璽請復畫疆域召集諸番諭以界石廢恐官軍欺凌諸部今復立之聽界外駐牧互市則入闕如此番人必聽命可潛消他日憂帝稱善從之十七年進署都督同知時璽以都督僉事為總兵官而魯鑑以署都督同知為參將璽恐難於節制乞解兵柄故有是命初哈密為土魯番所擾使其將伊蘭守之

都督哈商寄居苦峪口近赤斤罕東數相攻哈商勢窮
無援朝議敕璽築城苦峪別立哈密衛以居之璽遣課
者間伊蘭伊蘭不聽得其所羈掠九十餘人以歸具悉
虛實十七年召集赤斤罕東將士犒以牛酒令助哈商
哈商合二衛兵夜襲哈密及拉們等八城遂復其地仍
令哈商居之事聞獎勞資金幣已罕東入寇璽禦却之
請興師以討帝念其常助哈商第遣使責諭明年北寇
殺哨卒璽率參將李俊及赤斤兵擊之於狼心山黑河

西多所斬獲二十年移鎮大同璽有復哈密功官不進
陳於朝乃實授都督同知璽習韜略諳文事勇而有謀
廷臣多稱之在邊二十餘年為番人所憚弘治元年卒
賜祭葬贈卹有加

魯鑑其先山西大同人祖阿實克圖紮布沙克嘉明初
率部落歸附太祖授百夫長俾統所部居莊浪傳子沙
克嘉累官莊浪衛指揮同知正統末嗣父職後擢署都
指揮僉事成化四年固原滿四反率土兵千人從征諸

軍圍石城日挑戰鑑出則先驅入則殿後最為賊所憚
賊平進署都督同知尋充左參將分守莊浪命其子麟
為百戶統治土軍十七年坐寇入境戴罪立功尋充左
副總兵協守甘肅寇犯永昌被劾鑑疏辨第停其俸兩
月俄命充總兵官鎮守延綏自陳往功予實授孝宗立
得疾致仕弘治初命麟襲指揮使加都指揮僉事已進
同知充甘肅遊擊將軍魯氏世守西陲有捍禦功至鑑
官益顯其世業益大而所部土軍生齒又日盛麟既移

甘肅帝以土軍非鑑不能治特起治之且命有司建坊旌其世績鑑乃條上邊務四事多議行鑑有材勇遇敵輒冒矢石數被傷不為沮故能積功至大將十五年以舊創疾發卒贈右都督賜卹如制時麟已由甘肅參將擢左副總兵豪健如其父而恭順不如先為遊擊時寇入永昌失律委罪副將陶禎下御史按當戍邊但貶一秩遊擊如故暨為副將調韋州禦寇寇大入不能擊遣都指揮楊琳邀之孔壩溝琳大敗不救連被劾麟自慙

止停俸二月時已授麟子經官令約束土軍而麟奏經幼土人不受要束乞歸治之不俟報徑歸帝用劉大夏言從其請武宗立甘肅巡撫畢亨薦經及麟謀勇令率所部協戰守正德二年經既襲指揮使自陳嘗隨父有功乃以為都指揮僉事未幾麟卒贈都督僉事賜祭葬故事都指揮無卹典以經乞破例子之經積戰功再遷都指揮使充左參將分守莊浪復自陳功閤兵部執不可帝特命為署都督僉事世宗立乞休巡撫許鳳翔言

經力戰被創疾行愈且世將敢戰知名異域今邊患棘
不宜聽其去帝乃諭留且勞以銀幣尋充副總兵分守
如故嘉靖六年冬以都督同知充總兵官鎮守延綏大
學士楊一清言經守莊浪二十餘載屢立戰功其部下
土軍非他人所能及雖其子瞻已為指揮僉事奉命統
轄然年尚少今陝西總兵官張鳳乃延綏世將若調鳳
延綏而改經陝西自可彈壓莊浪無西顧患帝立從之
居二年竟以疾致仕久之命瞻以本官守備山丹經奏

言自臣高祖後世守茲土今臣家居瞻又移他鎮土軍
皇皇不欲別附若因此生他患是隳先業而負世恩也
乞令守故業可二十二年宣大有警詔經簡壯士五千
赴援至而邊患已息乃遣還以經力疾趨召厚賚之明
年贍卒經以次子及孫皆幼請得自轄土軍詔許之經
驍勇奉職寡過繼祖父為大帥保功名稱良將三十五
年卒賜卹如制

劉寧字世安其先山陽人襲世職為永寧衛指揮使勇

敢善戰自以冗散無所見會延綏用兵疏請效死尚書
白圭許之屢以功遷都指揮使充宣府遊擊將軍周璽
字廷玉遷安人嗣職為開平衛指揮使負氣習兵書善
騎射以征北功擢署都指揮僉事充右參將分守陽和
敕部兵三千訓練聽調成化十六年從王越征威寧海
子累進都指揮使時邊寇無虛歲十八年分道入掠璽
與遊擊董昇戰黑石崖寧戰塔喇山皆有功璽進署都
督僉事遷大同副總兵寧進都督僉事改左參將分守

陽和十九年秋伊斯瑪音大入大同總兵官許寧分遣
璽守懷仁寧與董昇營西山自將中軍擊之夏米莊敗
績寧昇被圍數重幾陷亟發巨礮擊之敵多死圍乃解
璽聞中軍失利亟還兵援夜遇敵乘勝前銳甚璽厲將
士曰今日有進無退大呼陷陣敵少却久之短兵接臂
中流矢拔鏃戰益急與子鵬及麾下壯士擊殺數十人
會寧兵至中軍潰卒亦稍集敵乃退許寧等亦還無何
復入掠寧將兵三千遇之聚落站西連戰敗之復敗之

白登柳林又追敗之小鶻鴿谷而大同西路參將莊鑑亦邀其歸路戰於牛心山敵遂遁時諸將多失利許寧以下獲罪而璽以功予實授寧超遷都督同知莊鑑以所部無失亡亦賚銀幣鑑遼東人天順中襲定遼右衛指揮使驍猛有膽決遇賊輒奮數有功累官都督僉事掌左府弘治十一年佩鎮朔將軍印鎮宣府以才與大同總兵官張俊易鎮兵部侍郎熊繡奏其經畫功進都督同知璽尋以右副總兵分守代州兼督偏頭諸關而

改寧左副總兵協守大同二人並著功北邊稱名將璽
以偏頭去太原遠請改分鎮為鎮守又以鎮守不當聽
節制乞易總兵銜憲宗皆曲從之弘治初移鎮陝西討
平扶風諸縣附籍回回三年佩征西將軍印鎮守寧夏
甫一歲卒且死召諸子曰吾佩印分閫分已足獨未嘗
大破敵抱恨入地矣連呼殺賊而瞑子鵬累官錦衣衛
指揮僉事璽歿後三年而寧佩平羌將軍印鎮甘肅其
冬寇犯涼州寧與戰抹山墩擒斬五十餘相持至暮收

輜重南行寇復來襲擒其長一人明日參將顏玉來援副將陶禎兵亦至寇乃遁俘其稚弱獲馬駝牛羊二千進右都督明年與巡撫許進襲破土魯番於哈密進左都督增俸百石以疾還京十三年大同告警命寧為副總兵從平江伯陳銳禦之銳無將略與寧不協止毋戰寇遂得志去坐停半俸閒住尋以參將贊畫朱暉軍務亦無功寧自陳哈密功乞封伯詔還全俸寧有膽智為大同副將時入貢者數萬人懷異志寧率二十騎直抵

其營衆駭愕有部長勒馬引弓出寧前下馬與諸部長
坐舉策指畫宣天子威德一人語不遜寧捫其面奮臂
起其長叱之退寧復坐與語呼酒歡飲皆感悟卒如約
嘗仿古番上法以五十八人為隊隊伍重為陣建五色
幟又各建五巨幟於中軍中幟起五陣各視其色應之
循環無端每戰用是取勝晚再赴大同已老病帥又怯
懦故無成功然孝宗朝良將稱寧十七年卒贈廣昌伯
彭清字源潔榆林人初襲綏德衛指揮使以功擢都指

揮僉事弘治初充右參將分守肅州寇入犯率兵躡之
獲馬駝器仗及所掠人畜而還尋與巡撫王繼恢復哈
密有功清雖位偏校而好謀有勇略名聞中朝尤為尚
書馬文升所器嘗引疾乞休文升力言於朝慰留之八
年甘肅有警以文升薦擢左副總兵仍守甘肅未幾巡
撫許進乞移清涼州而是時哈密復為土魯番所據文
升方密圖恢復倚清成功言肅州多故而清名著西域
不可易乃寢文升既得楊翥策銳欲搗哈密襲伊蘭乃

發罕東赤斤暨哈密兵令清統之為前鋒從許進潛往
行半月抵其城下攻克之伊蘭已先遁乃撫安哈密遺
種全師而還是役也文升授方略擬從間道往而進仍
由故道伊蘭遂逸去斬獲無幾然番人素輕中國謂不
能涉其地至是始知畏清功居多稍遷都指揮使十年
總兵官劉寧罷擢清都督僉事代之其冬土魯番歸哈
密忠順王善巴且乞通貢西域復定屢辭疾請解兵柄
不允十五年卒清御士有恩久鎮西陲威名甚著番夷

憚之性廉潔在鎮遭母及妻妹四喪貧不能歸葬卒之日將士及庶民婦皆流涕遺命其子不得受賄贈卹故其喪亦不能歸帝聞之命撫臣發帑錢資送歸里賜祭葬如制

姜漢榆林衛人弘治中嗣世職為本衛指揮使御史胡希顏薦其材勇進都指揮僉事充延綏遊擊將軍十八年春寇犯寧夏興武營漢帥所部馳援遇於中沙墩擊敗之賜敕獎勞武宗嗣位寇大舉犯宣大漢偕副總兵

曹雄參將王戟分道援有功尋代雄為副總兵協守延綏正德三年移守涼州明年冬擢署都督僉事充總兵官鎮寧夏漢馭軍嚴整得將士心甫數月而安化王寘鐫謀逆置酒召漢及巡撫安惟學等宴酒半其黨何錦等率衆入即座上執漢漢奮起怒罵不屈遂遇害子奭逃免賊平訟於朝詔賜祭葬有司為立祠春秋祭之嘉靖時復從巡撫張珩請賜額憫忠奭當嗣職帝以漢死事特進一官為都指揮僉事十一年回賊魏景陽作亂

華陰諸縣悉被害巡撫蕭翀檄莧討之獲景陽進署都
指揮同知充右參將守肅州嘉靖二年擢右副總兵分
守涼州進署都督僉事充總兵官鎮甘肅回賊犯甘州
莧與戰張欽堡敗走之未幾西海賊八千騎犯涼州莧
率遊擊周倫等襲擊於苦水墩大敗之斬首百餘級殲
其長還所掠人口千二百畜產二千都指揮張錦亦戰
死錄功進署都督同知濟農他部寇莊浪莧與遇分水
嶺再勝之遂至平嶺敵騎大集莧伏兵誘之復斬其長

一人獲首功七十予實授十六年春寇大入甘州不能禦貶二秩戴罪尋以永昌破敵功復署都督僉事其冬坐前罪罷久之以薦擢副總兵協守大同為總督翁萬達劾罷卒子應熊嗣指揮使擢宣府西路參將二十七年春諳達寇大同總兵官周尚文戰曹家莊應熊從萬達自懷來鼓譟揚塵而西寇不測衆寡遂遁累進都督僉事充總兵官鎮守寧夏三十二年套寇數萬騎屯賀蘭山遣精騎掠紅井應熊戒將士固守以綴敵而潛師

攻敵營斬首百四十級進都督同知越二年套寇數萬
踏冰西渡由寧夏山後直抵莊涼應熊等掩擊獲首功
百餘進右都督御史崔棟劾其縱寇褫職逮問充為事
官赴塞上立功四十年秋寇六萬餘騎犯居庸岔道口
應熊被圍於南溝中五鎗墮馬參將胡鎮殺數人奪之
歸其冬復為右都督充總兵官鎮守大同以招徠塞外
人口增俸一級四十二年寇大舉犯畿輔詔應熊等入
援諸鎮兵盡集見敵勢盛不敢擊給事中李瑜遂劾應

熊及宣大總督江東保定總兵官祝福坐視胡鎮被圍
一卒不發帝怒降敕嚴責會寇將遁應熊禦之密雲頗
有斬獲寇退帝令江東第諸將功以應熊為首詔增其
祖職二級已錄防秋勞進左都督總督趙炳然劾其縱
寇互市殘害朔州坐戍邊穆宗立赦還子顯祚襲職累
官署都督僉事總兵官歷鎮山西宣府子弼亦至都督
僉事為援遼總兵官姜氏為大將著邊功凡五世

安國字良臣綏德衛人初為諸生通春秋子史知名里

中後襲世職為指揮僉事正德三年中武會舉第一進署指揮使赴陝西三邊立功劉瑾要賄國同舉六十人咸無貲瑾乃編之行伍有警聽調禁其擅歸六十人者悉大窘儕於戍卒不聊生而邊臣憚瑾竟無有收恤之者寘鐫反肆赦始放還通政叢蘭請收用瑾怒諷給事中張瓚等劾諸人皆庸才悉停其加官瑾誅始以故官分守寧夏西路尋進署都指揮僉事充右參將擢右副總兵協守大同徙延綏十一年冬寇二萬騎分掠偏頭

關諸處國偕遊擊杭雄馳敗之岢嵐州斬首八十餘級
獲馬千餘匹寇遂遁初寇大入白羊口帝遣中官張忠
都督劉暉侍郎丁鳳統京軍討之比至已飽掠去忠暉
恥無功紀功御史劉澄甫攘國等功歸之大行遷賞忠
等悉增祿予世廕尚書王瓊亦如少保廕子錦衣國時
以署都督僉事為寧夏總兵官僅予實授意不平不敢
自列乃具疏力辭為部卒重傷者乞敘錄瓊請再叙國
功始進都督同知當是時佞倖擅朝債帥風大熾獨國

以材武致大將端謹練戎務所至思盡職推將材者必
歸焉在鎮四年卒特諡武敏

杭雄字世威世為綏德衛總旗雄承廕數先登積首功
六遷至指揮使正德七年進署都指揮僉事勦賊四川
尋守備西寧用尚書楊一清薦擢延綏遊擊將軍從都
御史彭澤經略哈密偕副將安國破敵奇嵐進都督僉
事改參將擢都督同知統邊兵操於西內武宗幸宣府
大同雄扈從即拜大同總兵官嘉靖初汰傳奉官雄當

貶以方守邊命署都督僉事鎮守如故小王子萬餘騎
入沙河堡雄戰却之未幾復大入不能禦求罷不許移
延綏召僉書後軍都督府三年秋土魯番侵甘肅詔尚
書金獻民視師以雄佩平虜大將軍印充總兵官提督
陝西延綏寧夏甘肅四鎮軍務列侯出征始佩大將軍
印無授都督者至是特以命雄甫至寇已破走而雄亦
得廕錦衣千戶既班師復出鎮寧夏濟農大入總督王
憲檄雄等破之進都督同知寇八千騎乘冰犯寧夏雄

及副總兵趙鎮禦之前鋒陷伏中雄等皆敗總督王瓊
劾之奪官閒住明年卒雄敢戰嘗以數騎行邊敵虜至
乃下馬積鞍為壘跪而射之敵退解衣腋凝血乃知中
飛矢武宗在大同見雄氍毹帷帳甚曰老杭窮乃爾寇至
帝將親擊雄叩馬諫曰主人畜犬不使吠盜奚用犬為
願聽臣等効力帝笑而止少役延綏巡撫行臺既貴每
至臺議事不敢正席坐曰此當年役所也正德嘉靖間
西北名將馬永而下稱雄云

贊曰時平則將畧無由見或綰符出鎮守疆禦侮著有
勞效以功名終亦足尚矣許貴周賢魯鑑姜漢家世為
將勲閥相承而賢與漢死事尤烈彭清杭雄之清節斯
又其最優者歟

明史卷一百七十四

欽定四庫全書

明史卷一百七十四考證

巫凱傳值英宗推恩得封伯後義二年卒贈侯謚威靖

臣黃壽齡按識大錄義封豐潤伯勲號奉天翊衛

宣力武臣階特進榮祿大夫食祿一千三百石推恩
三代賜鐵券未幾以義年高不欲使居邊戍召還入
見慰勞甚至賜羊酒居京師奉朝請久之以疾卒時
天順庚辰正月也享年七十有一史未詳載謹附錄

魯鑑傳其先山西大同人

臣黃壽齡按大同山西屬

其先西大同句擬于西字上增山字謹識

劉寧傳璽役後三年而寧佩將軍印鎮印鎮甘肅

臣


壽齡按鎮甘肅考識大錄作鎮守大同甘肅謹附

劉寧傳嘗倣古番上法以五十八人為隊

臣黃壽齡

按五十八人為隊考識大錄以五十人為隊與此互

異謹附識



總校官編修臣吳紹濬

欽定四庫全書叢要

史部
明史卷一百七十五

詳校官員外郎臣潘紹觀



欽定四庫全書薈要卷六千七百六十八史部

明史卷一百七十五

大學士張廷玉等奉敕修

傳六十三

衛青子穎

董興

何洪劉雄

劉玉

仇鉞

神英子周

曹雄子謙

馮禎



張俊李鉉

楊銳崔文

衛青字明德松江華亭人以薊州百戶降成祖積功至都指揮僉事益中都留守司事改山東備倭永樂十八年二月蒲臺妖婦林三妻唐賽兒作亂自言得石函中寶書神劍役鬼神剪紙作人馬相戰鬪徒衆數千據益都却石柵寨指揮高鳳敗歿勢遂熾其黨董彥昇等攻下莒即墨圍安邱總兵官安遠侯柳升帥都指揮劉忠圍賽兒寨賽兒夜劫官軍軍亂忠戰死賽兒遁去比明

升始覺追末及獲賊黨劉俊等及男女百餘人而賊攻
安邱益急知縣張撫丞馬撫死戰賊不能下合邑即墨
衆萬餘以攻時青方屯海上聞之帥千騎晝夜馳至城
下再戰大敗之城亦鼓譟出殺賊二千生禽四千餘
悉斬之時城中旦夕不能支青救稍遲城必陷比賊敗
升始至青迎謁升怒其不待已梓之出是日鰲山衛指
揮王真亦以兵百五十人殲賊諸城賊遂平而賽兒卒
不獲帝賜書勞青切責升尚書吳中等劾升且言升媚

青功于是下升獄而擢青山東都指揮使真都指揮同知
旗撫左右叅議賞賚有差青還備倭海上尋坐事繫獄
宣德元年帝念其功釋之俾復職時京師營繕役繁調
及防海士卒青以為言得番代英宗立進都督僉事尋
卒青有孝行善撫士卒居海上十餘年海濱人思之請
于朝立祠以祀次子頴正統初襲濟南衛指揮使景帝
立奉詔入衛再遷至都指揮同知以石亨薦擢署都督
僉事管五軍營右哨論黃花鎮白羊口及西直門禦

寇功累進都督同知景泰三年協鎮宣府逾年召還天
順元年以奪門功封宣城伯予世券出鎮甘肅保喇入
犯不能禦為有司所劾詔不問亨敗頴以守邊故得無
奪憲宗即位廷議以頴不勝任召還會盡革奪門世爵
頴以天順間征西番瑪吉思棟沙克諸族功自懇詔如
故成化二年為遼東總兵官尋引疾罷給事中陳鉞等
劾之下獄尋宥之弘治中卒贈侯謚壯勇傳子至孫鐸
嘉靖時督神機營屢加太保兼太子太師四傳至時春

崇禎時掌後府京師陷懷鐵券闔門十七人皆赴井死
董興長垣人初為燕山右衛指揮使累遷署都指揮同
知正統中新建伯李玉等舉興將才進署都指揮使京
營管操復用薦擢署都督僉事充右叅將從寧陽侯陳
懋討鄧茂七破餘黨于建寧進都督同知南海賊黃蕭
養圍廣州安鄉伯張安都指揮王清戰死賊衆攻城益
急詔拜興左副總兵調江西兩廣軍往討而以侍郎孟
鑑贊理軍務興用天文生馬軾自隨興果銳不能戢下

軾戒之景泰元年二月師至廣州賊舟千餘艘勢甚熾而徵兵未至諸將請濟師軾曰廣民延頸久矣即以狼兵往擊猶拉朽耳興從之既而兵大集進至大洲擊賊殺溺死者萬餘人餘多就撫蕭養中流矢死函首以獻俘其父及子等餘黨皆伏誅論功進右都督留鎮廣東給事中黃士偶劾興寬縱降其官明年復職久之召還分督京營與曹吉祥結姻冒奪門功封海寧伯未幾充總兵官鎮遼東予世券議革奪門者爵興以守邊得免

吉祥誅乃奪興爵仍右都督發廣西立功以錦衣李貴薦復爵總兵宣府再予世券憲宗嗣位罷還已傳世爵家居十餘年卒

何洪全椒人嗣世職為成都前衛指揮使正統中從征麓川景泰末從征天柱銅鼓皆有功屢遷都指揮使掌四川都司事與平東苗憲宗即位論功擢都督僉事巡撫汪浩乞留洪四川許之德陽人趙鐸反自稱趙王漢州諸賊皆歸之連番衆數陷城殺將吏遣其黨何文讓

及憎悟昇掠安岳諸縣洪斬悟昇生禽文讓鐸將逼成都官軍分三路討洪偕都指揮寧用趙彰明賊引去追至梓潼朱家河力戰賊少却洪乘勝陷陣後軍不繼為賊所圍左右跳盪殺賊甚衆力竭而死洪勇敢善撫士號令嚴蜀將無及之者既死官軍奪氣而四川都指揮僉事劉淮劉雄亦戰死雄剛勁遇敵輒前嘗捕賊漢州生禽七十餘人及鐸亂追之羅江大水河手馘數人賊連敗千戶周鼎傷雄前救之徑奔賊陣叢刺死詔贈洪

都督同知子祭奠子節襲都指揮僉事雄贈都指揮同
知賜祭命子襲職超二官洪雖死綿竹典史蕭讓帥鄉
兵擊鐸破之官兵頻進擊其黨稍散去鐸勢孤帥餘賊
趙彰明千戶田儀等設伏梓潼而叅將周貴直搗其巢
賊大敗夜奔石子嶺儀亟進斬鐸賊盡平成化元年正
月也

劉玉字仲璽磁州人生有膂力給侍曹吉祥家從征麓
川授副千戶積功至都指揮僉事天順元年以奪門功

進都督僉事尋充右叅將守備潯州慶遠蠻剽博白及
廣東之寧川玉偕左叅將范信邀擊敗之命分守貴州
從方瑛討貴東苗殲千把豬討西堡苗繫其魁楚得先
後斬首千級毀其巢而還旋改右副總兵鎮守貴州吉
祥誅玉下吏當斬以道遠不與謀免死謫海南副千戶
六年帝將以谷登為甘肅副總兵李賢言登不任玉老
成乃復以為都督僉事右副總兵鎮守涼州矩咱族叛
會兵平之進都督同知成化四年滿俊亂固原白圭舉

王為總兵官統左右叅將夏正劉清討之兵分為七王
與總督項忠抵石城賊已數敗會毛忠死王亦被圍中
流矢力戰得出相持兩月大小百十戰竟平之進左都
督掌右府事自愬前西堡功命增俸百石掌耀輝營六
年充左副總兵從朱永出延綏五月河套部入犯王帥
衆禦却之逾年卒贈固原伯謚毅敏王雖起僕隸勇決
過人善撫士所至未嘗衄滿俊之叛據石城險屢敗官
軍王戰最力及論功祇賜秩一級時惜其薄子文襲指

揮使

仇鉞字廷威鎮原人初以傭卒給事寧夏總兵府大見信愛會都指揮僉事仇理卒無嗣遂令鉞襲其世職為寧夏前衛指揮同知理江都人故鉞自稱江都仇氏再以破賊功進都指揮僉事正德二年用總制楊一清薦擢寧夏遊擊將軍五年安化王寘鐫及都指揮何錦周昂指揮丁廣反鉞時駐城外玉泉營聞變欲遁去顧念妻子在城中恐為所屠滅遂引兵入城解甲覲寘鐫歸

卧家稱病以所將兵分隸賊營錦等信之時時就問計
鉞亦謬輸心腹而陰結壯士遣人潛出城令還報官軍
旦夕至鉞因紿錦廣宜急出兵守渡口遏東岸兵勿使
渡河錦廣果傾營出而昂獨守城寘鐻以禍牙召鉞鉞
稱病亟昂來視鉞方堅卧呻吟伏卒猝起捶殺昂鉞乃
被甲橫刀提其首躍馬大呼壯士皆集徑馳詣寘鐻第
縛之傳寘鐻令召錦等還而密諭其部曲以禽寘鐻狀
衆遂大清錦廣單騎走賀蘭山為邏卒所獲舉事比十

八日而敗先是中朝聞變議以神英為總兵官而命鉞為副俄傳鉞降賊欲追救還大學士楊廷和曰鉞必不降從賊令知朝廷擢用志當益堅不然棄良將資敵人耳乃不追事果定而劉瑾暱陝西總兵官曹雄盡以鉞功歸之鉞竟無殊擢巡按御史閻賡訟其功詔奪俸三月瑾誅始進署都督僉事充寧夏總兵官尋論功封咸寧伯歲祿千石予世券明年冬召掌三千營七年二月拜平賊將軍偕都御史彭澤討河南盜劉惠趙燧以中官

陸閭監其軍未至而叅將馮禎戰死洛南賊勢益熾已聞官軍將至遂奔汝州又聞官軍扼要害乃走寶豐復由舞陽遂平轉掠汝州東南敗奔固始抵潁州屯朱臯鎮永順宣尉彭明輔等擊之賊倉猝渡河溺死者二千餘衆走光山鉞追及之命諸將神周姚信時源金輔左右夾擊賊大敗斬首千四百有奇湖廣軍亦破其別部賈勉兒于羅田賊沿途潰散自六安陷舒城復還光山至商城官軍追之急賊復南攻六安將陷時源等涉

河進敗之七里岡賊趨廬州至定遠西又敗還至六安
分其衆為二劉惠與趙鏐二弟鐸錡帥萬餘人北走商
城而鏐道遇其徒張通及楊虎遺黨數千人勢復振掠
鳳陽陷泗宿睢寧定遠于是澤與鉞計使神周追鏐時
源金輔追惠姚信追勉兒勉兒鏐復合周信連敗之宿
州追奔至應山其衆畧盡鏐薙髮懷度牒潛至江夏飯
村店軍士趙成執送京師伏誅源輔追劉惠連戰皆捷
惠窘走南召指揮王謹追及于土地嶺射中惠左目自

縊死勉兒數為都指揮周忠夏廣所敗獲之項城丁村
餘黨邢本道劉資及楊寡婦等先後皆被禽凡出師四
月而河南賊悉平趙鏐一名風子文安諸生也劉七等
亂起鏐挈家匿渚中賊驅之登陸將污其妻女鏐素驍
健有膂力手格殺二賊賊衆執之遂入其黨為之魁賊
專事淫掠鏐稍有智計定為部伍勸其黨無妄殺移檄
府縣約官吏師儒毋走避迎者安堵由是橫行中原勢
出劉六等上嘗攻鈞州五日以馬文升方家居舍之去

有司遣人齎招撫榜至鉞具疏附奏言今羣奸在朝舞弄神器濁亂海內誅戮諫臣屏棄元老舉動若此未有不亡國者乞陛下睿謀獨斷羣奸之首以謝天下即梟臣之首以謝羣奸其桀黠如此鉞既平河南賊移師會陸完共滅劉七等于江北論功進世侯增祿百石仍督三千營八年大同有警命充總兵官統京軍禦之鉞上五事中請遣還京操邊軍停京軍出征以省公私之擾尤切時弊時不能用鉞既至值寇犯萬金沙河擊之

斬首三級而軍士亡者二十餘人寇亦引去奏捷蒙賚
朝論耻之帝詔諸邊將入侍豹房鉞嘗一入後輒力辭
十年冬稱疾解營務詔給軍三十人役其家世宗立再
起督三千營掌前府事未上卒年五十七謚武襄子昌
以病廢孫鸞嗣世侯世宗時怙寵通邊磔死爵除

神英字景賢壽州人天順初襲父職為延安衛指揮使
守備寧塞營屢將騎兵從都督張欽等征討有功成化
元年尚書王復行邊薦英有謀勇進都指揮僉事以從

征滿四功遷都指揮使充延綏右叅將屢敗伽嘉色凌
兵進署都督僉事巡撫俞子俊築邊牆命英董役工成
受賚久之充總兵官鎮守寧夏移延綏復移宣府弘治
改元移大同十一年馬市開英違禁貿易寇掠蔚州又
不救言官連劾召還閒住尋起督果勇營嘗充右叅將
從朱暉禦寇延綏武宗立寇犯宣府與李俊並充左叅
將帥京師以援尋以都督同知僉書左府剿近畿劇賊
進右都督正德五年給事中段豸劾英老命致仕當是

時劉瑾竊政總兵官曹雄等以附瑾得重權英素習瑾厚賄之因自陳邊功乞叙錄特詔予伯爵吏兵二部持之下廷議而廷臣希瑾指無不言當封者遂封涇陽伯祿八百石未幾寘鐫反命充總兵官討之未至賊已滅其秋瑾敗為言官所劾詔奪爵以右都督致仕越二年卒子周翰栗為指揮僉事累官都指揮使充延綏右叅將正德六年命以所部兵討河南流賊數有功再進都督同知賊平遂以副總兵鎮山西九年秋寇大入寧武

關躡忻定襄寧化周擁兵不救軍民死者數千詔巡撫
官執歸京師周潛結貴近行至易州偽稱病自陳戰功
帝乃宥周罪盡削其秩為總旗而輸粟指揮如故已貢
緣江彬入豹房驟復都督賜國姓典兵禁中遂與彬相
倚為聲勢納賄不貲彬敗周亦下獄伏誅

曹雄西安左衛人弘治末厯官都指揮僉事為延綏副
總兵武宗即位用總督楊一清薦擢署都督僉事充總
兵官鎮固原以瑾同鄉附于瑾瑾亦欲廣樹黨日相親

重正德四年雄上言故事布按二司及兵備道臣文移達總兵官者率由都司轉達今邊務亟徵調不時都司遠在會城往返千里恐誤軍機乞如巡撫大同例徑呈總兵官便兵部尚書曹元希瑾意覆如其言既復受瑾屬奏雄鎮守未佩印宜如各邊例特賜印以重其權乃進雄署都督同知以延綏總兵官吳江所佩征西將軍印佩之而別鑄靖虜將軍印予江及總督才寬禦寇沙窩為所殺雄擁兵不救佯引罪乞解兵柄令子謚齋奏

詣京師瑾異謚貌妻以從女而優詔褒雄令居職如故
糾者反被責寘鐫反寧夏雄聞變即統兵壓境刻期討
密焚大小二壩積草與守備史鏞等奪河西船盡泊東
岸賊黨何錦懼急帥兵出守大壩以防決河雄乃令鏞
潛通書仇鉞俾從中舉事賊遂成禽是役也功雖成于
鉞而居外布置賊不內顧雄有勞焉捷聞瑾以平賊功
歸之進左都督謚亦官千戶雄不安引咎自劾推功諸
將降旨慰勞未幾瑾敗言官交劾降指揮僉事尋徵下

將降旨慰勞未幾瑾敗言官交劾降指揮僉事尋徵下
獄以黨逆論死籍其家詔宥之與家屬俱徙海南遇赦
不原雄長子謙讀書能文有機略好施與右參政李崙
主事孔琦家貧甚雄請周卹其妻子以勸廉吏謙意也
御史高蔭先被逮無行貲謙為治裝並卹其家受業楊
一清聞一清將起用貽書止之曰近日關中人材連茹
而起實山川不幸獨不留三五輩為後日地耶時陝人
率附瑾以進故謙云然雄下獄謙亦被繫為怨家箠死

馮禎綏德衛人起家卒伍累功為本衛指揮僉事弘治末擢署都指揮僉事守備偏頭關尋充叅將分守寧夏西路以勇敢間寘鐔反馳奏告變事平進署都指揮同知己擢副總兵協守延綏正德六年七月盜起中原詔以所部千五百人入討至阜城遇賊禎令軍中毋顧首級貪虜獲遂大敗賊逐北數十里俘斬八百六十有奇進解曹州圍執其魁朱諒錄功進都督僉事明年春劉患趙鐃亂河南連陷鹿邑上蔡西平遂平舞陽葉縱掠

南頓新蔡商水裏城復還駐西平禎偕副總兵時源叅將神周金輔擊敗之賊奔入城官軍塞其門乘夜焚死千餘人斬首稱是餘賊潰而西巡撫鄧璋等朝崇王于汝寧宴飲連日賊招散亡勢復振陷鄢陵滎陽汜水鞏圍河南府三日諸軍始集賊屯洛南覘官軍飢疲迎戰右哨金輔不敢渡洛禎及源周方陣而後哨叅將姚信所部京軍先馳失利遽遁陣亂賊乘之禎下馬殊死鬪援絕死焉贈洛南伯賜祭葬授其子大金都督僉事後

賊平論功復廕一子世百戶明年是日禔死所風霾大作又明年亦如之伊王奏聞敕有司建祠歲以死日致祭

張俊宣府前衛人嗣世職為本衛指揮使累擢大同遊擊將軍弘治十二年以功進都指揮同知和碩入大同左衛大掠八日俊遣兵三百邀其前復分兵三百為策應而親禦之荆東莊依河結營擊却三萬餘騎帝大喜立擢都督僉事未幾總兵官王璽失事被徵即命俊代

之其冬以寇入戴罪尋移鎮宣府中官苗達督師延綏
檄大同宣府卒為探騎俊持不遣達遂劾俊帝宥俊而
命發卒如達言武宗初立寇乘喪大入連營二十餘里
俊遣諸將李稽白玉張雄王鎮穆榮各帥三千人分扼
要害俄寇由新開口毀垣入稽遽前迎敵玉雄鎮榮各
帥所部拒于虞臺嶺俊急帥三千人赴援道傷足以兵
屬都指揮曹泰泰至鹿角山被圍俊力疾益調兵五千
人持三日糧馳解泰圍復援出鎮又分兵救稽玉稽玉

亦潰圍出獨榮雄阻山澗援絕死諸軍已大困收兵還
寇追之行且戰僅得入萬全右衛城士馬死亡無算俊
及中官劉清巡撫李進皆徵還御史郭東山言俊扶病
馳援勸懲不宜偏廢乃許贖罪正德五年起署都督同
知典神威營操練明年六月賊楊虎等自山西十八盤
還破武安掠威曲周武城清河故城景州轉入文安與
劉六等合都指揮桑玉屢敗僉事許承芳青濟師乃命
俊充副總兵與叅將王琮統京軍千人討之往來近畿

數月不能創賊已朝議調邊軍協守賊遂連敗明年三

月劉六劉七齊彥名龐文宣等敗奔登萊海套陸完檄

俊軍萊州合諸將李鉉等邀之賊遂北走轉掠寶坻香

河玉田俊急偕許泰卻永過之帝喜勞以白金賊由武

清西去未幾得疾召還後賊平寔授都督同知久之卒

俊為邊將持廉有謀勇其歿也家無餘資李鉉大同右

衛人世指揮同知累功進都指揮僉事充叅將協守大

同山東盜起詔改遊擊將軍尋充副總兵與俊等邀賊

復與劉暉部將傅鎧張椿等數立功賊平進都指揮同知充總兵官鎮鳳陽諸府尋以江西盜猖獗擢署都督僉事與都御史俞諫同提督軍務賊王浩八據裴源山憑高發矢石官軍幾不支鎔下馬持刀督將士殊死鬪賊乃走追數十里禽之復以次討平劉昌三胡浩三等移駐餘干將擊遺賊之未下者疽發背卒于軍詔贈右都督廕子都指揮僉事

楊銳字進之蕭縣人嗣世職為南京羽林前衛指揮使

正德初以才擢掌龍江右衛事督造漕舟于淮安寧王宸濠有異謀王瓊以安慶居要害宜置戍乃進銳署都指揮僉事守備其地銳與知府張文錦治戰艦日督士肄水戰十四年六月丙子宸濠反東下焚彭澤湖口望江已丑奄至安慶城下舟五十餘艘銳文錦與指揮崔文同知林有祿通判何景暘懷寧知縣王誥等禦之江潁已收兵入城被圍銳文軍城西文錦有祿軍城北景暘誥軍東南城西尤要衝銳晝夜拒戰殺傷賊二百餘

斬其間謀乃稍却七月丁酉賊悉兵至號十萬舳艫相
銜六十餘里宸濠乘黃艦泊黃石磯身自督戰江西僉
事潘鵬在賊軍安慶人也宸濠令諭降呼銳及文錦語
衆心頗搖吏黃洲者以大義責數之鵬慙而退既復持
偽檄至其家僮見遙呼之銳晉斬以徇將射鵬鵬遂去
衆心乃定賊怒圍城數周攻益急銳等殊死戰賊雲樓
數十瞰城中城亦造飛樓射賊夜鮪人焚賊樓賊置
天梯廣二丈高于城阪蔽之前後有門伏兵其中輪轉

以薄城城上束葦沃膏燃其端梯相近即投之須臾盡
焚賊多死時軍衛卒不滿百乘城皆民兵老弱婦女饋
餉人運石一二數日積如山賊攻城城上或投石或沸
湯沃之賊輒傷銳等射書賊營諭令解散有亡去者乃
募死士夜刦賊營賊大驚擾比曉稍定宸濠慙憤謂其
下曰安慶且不克安望南都會聞伍文定等破南昌遂
解圍去文出城追擊又破之旬有八日而圍解事聞武
宗大喜擢銳叅將分守安徽池太寧國及九江饒黃銳

薦鄭岳胡世寧帝即召用世宗立論功擢都督僉事廕
子世千戶再遷僉書左府改南京右府充總兵官鎮遼
東改督漕運鎮淮安嘉靖十年為巡按御史李循義劾
罷踰年卒崔文世為安慶衛指揮使守城勞亞于銳世
宗錄其功超三階為都指揮使廕子世百戶江淮多盜
廷議設總兵官督上下江防擢文都督僉事任之改莅
南京前府專督操江久之卒

贊曰衛青等當承平時不逞竊發列城擾攘賴其戡定

雖所敵非堅然勇敢力戰功多可紀或遂身膏原野若何洪劉雄馮禎輩壯節有足惜者鉞以心計定亂銳以城守摧逆干城之寄克稱廟謨神英曹雄亦有勞績而以附閹損名且獲罪為將者其以跡弛為戒哉

明史卷一百七十五

欽定四庫全書

明史卷一百七十五考證

仇鉞傳直寇犯萬全沙河擊之

臣黃壽齡按沙河原

本訛河沙今據地理改正謹識

楊銳傳己丑奄至安慶城下舟五十餘艘銳文錦與指
揮崔文錦知林有祿通判何景暘懷寧知縣王誥等
禦之

臣黃壽齡按舟五十餘艘考識大錄作二百

餘艘並載設鉤距於江側艘抵岸為鉤距所破謹附

識

欽定四庫全書薈要卷六千七百六十九 史部

明史卷一百七十六

大學士張廷玉等奉 敕修

列傳六十四

李賢

呂原 子憲

岳正

彭時

商輅

劉定之

李賢字原德鄧人舉鄉試第一宣德八年成進士奉命

察蝗災于河津授驗封主事少師楊士奇欲一見賢竟不往正統初言塞外降人居京師者盈萬指揮使月俸三十五石實支僅一石降人反實支十七石五斗是一降人當京官十七員半矣宜漸出之外省冗費且消患未萌帝不能用時詔文武臣誥敕非九年不給賢言限以九年或官不能滿秩或親老不待不得者十八九無以勸臣下請仍三年便從之遷考功郎中改文選扈從北征師覆脫還景泰二年二月上正本十策曰勤聖學

顧箴警戒嗜慾絕玩好慎舉措崇節儉畏天變勉貴近
振士風結民心帝善之命翰林寫置左右備省覽尋又
陳車戰火器之利帝頗採納是冬擢兵部右侍郎轉戶
部額森數貢馬賢謂輦金帛以強寇自弊非策因陳邊
備廢弛狀于謙請下其章厲諸將轉吏部採古二十二
君行事可法者曰鑑古錄上之英宗復位命兼翰林學
士入直文淵閣與徐有貞同預機務未幾進尚書賢氣
度端凝奏對皆中機宜帝深眷之山東飢發帑振不足

召有貞及賢議有貞謂頌振多中飽賢曰慮中飽而不
貸坐視民死是因噎廢食也遂命增銀石亨曹吉祥與
有貞爭權並忌賢諸御史論亨吉祥亨吉祥疑出有貞
賢意訴之帝下二人獄會有風雷變得釋謫賢福建叅
政未行王翱奏賢可大用遂留為吏部左侍郎踰月復
尚書直內閣如故亨知帝意嚮賢怒然無可如何乃與
交懽賢亦深自匿非宣召不入而帝益親賢顧問無虛
日保喇近塞獵亨言傳國璽在彼可掩而取帝色動賢

言讜不可啟璽不足實事遂寢亨益惡賢時帝亦厭亨
吉祥驕橫屏人語賢曰此輩干政四方奏事者先至其
門為之奈何賢曰陛下惟獨斷則趨附自息帝曰向嘗
不用其言乃怫然見辭色賢曰願制之以漸當亨吉祥
用事賢顧忌不敢盡言然每從容論對所以裁抑之者
甚至及亨得罪帝復問賢奪門事賢曰迎駕則可奪門
豈可示後天位乃陛下固有奪即非順且爾時幸而成
功萬一事機先露亨等不足惜不審置陛下何地帝悟

曰然賢曰若邸王果不起羣臣表請陛下復位安用擾攘為此輩又安所得邀陞賞招權納賄安自起老成者舊依然在職何至有殺戮降黜之事致干天象易曰開國承家小人勿用正謂此也帝曰然詔自今章奏勿用奪門字併議革冒功者四千餘人至成化初諸被革者懇請復以賢言並奪太平侯張瑾興濟伯楊宗爵時論益大快之帝既任賢所言皆見聽于謙嘗分遣降人南征陳汝言希宦者指畫召之還賢力言不可帝曰吾亦

悔之今已就道後當聽其願去者帝憂軍官支俸多歲
入不給賢請汰老弱于外則費省而人不覺帝深納焉
時歲有邊警天下大水江南北尤甚賢外籌邊計內請
寬百姓罷一切徵求帝用其言四方得蘇息七年二月
空中有聲帝欲禳之命賢撰青詞賢言君不恤民天下
怨叛厥有鼓妖因請行寬恤之政又請罷江南織造清
錦衣獄止邊臣貢獻停內外採買帝難之賢執爭數四
同列皆懼賢退曰大臣當知無不言可卷舌偷位耶終

天順之世賢為首輔呂原彭時佐之然賢委任最專初御史劉濟劾柳溥敗軍罪觸帝怒賢言御史耳目官不宜譴石亨譖賢曲護帝寢疎賢尋悟待之如初每獨對良久方出遇事必召問可否或遣中官就問賢務持大體尤以惜人才開言路為急所薦引年富軒輓耿九疇王竑李秉程信姚夔崔恭李紹等皆為名臣時勸帝延見大臣有所薦必先與吏兵二部論定之及入對帝訪文臣請問王翱武臣請問馬昂兩人相左右故言無不

行而人不病其專惟羣小與為難曹欽之反也擊賢東
朝房執將殺之逼草奏釋已罪賴王翺救乃免賢密疎
請禽賊黨時方擾攘不知賢所在得疏帝大喜裏傷入
見慰勞之特加太子太保賢因言賊既誅急宜詔天下
停不急務而求直言以通閉塞帝從之門達方用事錦
衣官校恣橫為劇患賢累請禁止帝召達達誠諭之達怙
寵益驕賢乘間復具陳達罪帝復召戒達達銜次骨因
表彬獄陷賢賢幾不免語載達傳帝不豫卧文華殿會

有間東宮于帝者帝頗惑之密告賢賢頓首伏地曰此
大事願陛下三思帝曰然則必傳位太子乎賢又頓首
曰宗社幸甚帝起立召太子至賢扶太子令謝太子謝
抱帝足泣帝亦泣讒竟不行憲宗即位進少保華蓋殿
大學士知經筵事是年春日黯無光賢偕同官上言曰
君象君德明則日光盛惟陛下敬以修身正以御下剛
以斷事明以察微持之不急則天變自弭和氣自至翌
日又言天時未和由陰氣太盛自宣德至天順間選宮

人太多澣衣局沒官婦女愁怨尤甚宜放還其家帝從
之中外欣悅五月大雨雹大風飄瓦拔郊壇樹賢言天
威可畏陛下當凜然加省無狎左右近幸崇信老成共
圖國是有司請造鹵簿賢言內庫尚有未經御者今恩
詔甫頒方節財用奈何復為此帝即日寢之每遇災變
必與同官極陳無隱而于帝初政申誠尤切門達既竄
其黨多投匿名書搆賢賢乞休有詔慰留吳后廢言官
請誅牛玉語侵賢又有造蜚語搆賢者帝命衛士宿賢

家護出入成化二年三月遭父喪詔起復三辭不許遣中官護行營葬還至京又辭遣使宣意遂視事其年冬卒年五十九帝震悼贈太師謚文達賢自以受知人主所言無不盡景帝崩將以汪后殉葬用賢言而止惠帝少子幽禁已六十年英宗憐欲赦之以問賢賢頓首曰此堯舜用心也天地祖宗實式憑之帝意乃決帝嘗祭山川壇以夜出未便欲遣官代祀賢引祖訓爭之卒成禮而還嘗言內帑餘財不以卹荒濟軍則人主必生侈

心而移之于土本禱祠聲色之用前後頻請發帑振貸
卹邊不可勝計故事方面官敕三品京官保舉賢患其
營競令吏部每缺舉二人請帝簡用並推之例始此自
三楊以來得君無如賢者然自郎署結知景帝超擢侍
郎而所著書顧謂景帝為荒淫其抑葉盛擠岳正不救
羅倫為世所惜云

呂原字逢原秀水人父嗣芳萬泉教諭兄本景州訓導
嗣芳老就養景州與本相繼卒貧不能歸葬厝于景原

時至殯所慟哭久之奉母歸家益貧知府黃懋奇原文
補諸生遣入學舉鄉試第一正統七年進士及第授編
修十二年與侍講裴綸等十人同選入東閣肄業直經
筵景泰初進侍講與同官倪謙授小內侍書于文華殿
東廡帝至命謙講國風原講堯典皆稱旨問何官並以
中允兼侍講對帝曰同品耳何相兼為進二人侍講學
士兼中允尋進左春坊大學士天順初改通政司右叅
議兼侍講徐有貞李賢下獄之明日命入內閣預機務

石亨曹吉祥用事貴倨獨敬原原朝會衣青袍亨笑曰
行為先生易之原不答尋與岳正列亨吉祥罪狀疏留
中二人怒摘敕諭中語謂閣臣謗訕帝大怒坐便殿召
對厲聲曰正大膽敢爾原素恭謹阿正何也正罷去原
得留李賢既復官入閣柄政原佐之未幾彭時亦入三
人同心贊理賢通達遇事立斷原濟以持重庶政稱理
其年冬進翰林院學士六年遭母喪水漿不入口三日
詔葬畢即起視事原乞終制不允乃之景州啟父兄殯

歸葬舟中寢苦哀毀體素豐至是羸瘠抵家甫襄事而卒年四十五贈禮部左侍郎謚文懿原內剛外和與物無競性儉約身無紈綺歸裝惟賜衣數襲分祿恤宗姻子憲字秉之以蔭補國子生供事翰林遷中書舍人疏乞應試所司執故事不許憲宗特許之遂舉順天鄉試舍人得赴試自憲始累遷禮部郎中好學能文諳掌故琉球請歲一入貢回貢使乞道廣東歸國皆以非制格之以薦進南京太僕寺少卿故事太僕馬數不令他

官知以是文籍磨滅登耗無稽憲曰他官不與聞是也
當職者可賢賢耶議請三年一校勘著為例累遷南京
太常卿輯典故因革若干卷正德初致仕歸

岳正字季方灤縣人正統十三年會試第一賜進士及
第授編修進左贊善天順初改脩撰教小內侍書閣臣
徐有貞李賢下獄帝既用呂原預政頃之薛瑄又致仕
帝謀代者王翱以正薦遂召見文華殿正身長美鬚髯
帝遙見色喜既登陞連稱善問年幾何家安在何年進

士正具以對復大喜曰爾年正強仕吾北人又吾所取士今用爾內閣其盡力輔朕正頓首受命趨出石亨張軌遇之左順門愕然曰何自至此比入帝曰朕今日自擇一閣臣問為誰帝曰岳正二人陽賀帝曰但官小耳當與吏部左侍郎兼學士兩人曰陛下既得人俟稱職加秩未晚帝默然遂命以原官入閣正素豪邁負氣敢言及為帝所拔擢益感激思自効掌欽天監侍郎楊序者亨黨也嘗奏災異請盡去奸臣帝問正正言奸臣無

指名即求之人人自危且序術淺何足信也乃止有僧
為妖言錦衣校邏得之坐以謀反中官牛玉請官邏者
正言事縱得寔不過坐妖言律邏者給賞而已不宜與
官僧黨數十人皆得免或為匿名書列曹吉祥罪狀吉
祥怒請出榜搆之帝令正撰榜格正與呂原入見曰為
政有體盜賊責兵部奸宄責法司豈有天子出榜搆募
者且事緩之則自露急之則愈匿此人情也帝是其言
不問亨從子彪鎮大同獻捷下內閣問狀使者言捕斬

無算不能悉致皆梟置林木間正按地圖指詰之曰某地至某地皆沙漠汝梟置何所其人語塞時亨吉祥恣甚帝頗厭之正從容言二人權太重臣請以計間之帝許焉正出見吉祥曰忠國公嘗令杜清來此何為者吉祥曰辱石公愛致誠款耳正曰不然彼使伺公所為耳因勸吉祥辭兵柄復詣亨諭令自戢亨吉祥揣知正意怒吉祥見帝免冠泣請死帝內愧慰諭之召正責漏言會承天門災正極言亨將為不軌且言陳汝言小人今

既為尚書可用盧彬為侍郎二人者俱譎悍若同事必相齟齬乘其隙可並去之徐有貞再下獄復云用有貞則天變可弭帝皆不納及敕諭廷臣命正視草正草敕曰乃者承天門災朕心震驚罔知所措意敬天事神有未盡與祖宗成憲有不遵與善惡不分用舍乖與曲直不辨刑獄寃與征調多方軍旅勞與賞賚無度府庫虛與請謁不息官爵濫與賄賂公行政事廢與朋奸欺罔附權勢與羣吏弄法擅威福與征斂徭役太重而閭閻

靡寧與讒諂奔競之徒倖進而忠言正士不用與抑有
司闢茸酷暴貧冒無厭而致軍民不得其所與此皆傷
和致災之由而朕有所未明也今朕省愆思咎怵惕是
存爾羣臣休戚惟均其洗心改過無蹈前非當行者直
言無隱敕下舉朝傳誦而亨吉祥構蜚語謂正賣直謗
訕帝怒命仍授小內侍書明日謫欽州同知道以母老
留旬日陳汝言令巡校言狀且言正嘗奪公主田遂逮
繫詔獄杖百戍肅州行至涿夜宿傳舍手拳急氣奔且

死涿人楊四醉卒酒脫正拳創其中且厚賂卒乃得至
戍所亨吉祥既誅帝謂李賢曰岳正固嘗言之賢曰正
有老母得放歸田里幸甚乃釋為民憲宗立御史呂洪
等請復正與楊瑄官詔正以原官直經筵纂修英宗實
錄初正得罪都督僉事李鐸乞得其實至是敕還正正
還朝自謂當大用而賢欲用為南京祭酒正不悅忌者
偽為正劾賢疏草賢嫌之成化元年四月廷推兵部侍
郎清理貼黃以正與給事中張寧名並上詔以為私出

正為興化知府而寧亦補外正至官築隄溉田數千頃
節縮浮費經理預備倉欲有所興革鄉士大夫不利其
所為騰謗言正亦厭吏職五年入覲遂致仕又五年卒
年五十五無子大學士李東陽御史李經其壻也正博
學能文章高自期許氣屹屹不能下人在內閣才二十
八日勇事敢言便殿論奏至唾濺帝衣有規以信而後
諫者慨然曰上顧我厚懼無以報稱子乃以諫官處我
耶英宗亦悉其忠其在戍所嘗念之曰岳正倒好只是

大膽正聞自為像贊述帝前語末言臣嘗聞古人之言
蓋將之死而靡憾也其自信不回如此然意廣才疏欲
以縱橫之術離散權黨反為所噬人皆迂而惜之嘉靖
中追太常寺卿謚文肅

彭時字純道安福人正統十三年進士第一授修撰明
年郕王監國命同商輅入閣預機務聞繼母憂力辭不
允乃拜命釋褐踰年叅大政前此未有也尋進侍讀景
泰元年以兵事稍息得請終制然由此忤旨服除命供

事翰林院不復預閣事易儲遷左春坊大學士寰宇通
志成遷太常寺少卿俱兼侍讀天順元年徐有貞既得
罪岳正許彬相次罷帝坐文華殿召見時曰汝非朕所
擢狀元乎時頓首明日仍命入閣兼翰林院學士閣臣
自三楊後進退禮甚輕為帝所親擢者唯時與正二人
而帝方嚮用李賢數召賢獨對賢雅重時退必咨之時
引義爭可否或至失色賢初小忤久亦服其諒直曰彭
公真君子也慈壽皇太后上尊號詔誥天下時欲推恩

賢謂一年不宜再赦時曰非赦也宜行優老典朝臣父
母七十與誥敕百姓八十給冠帶是老吾老以及人之
老也賢稱善即奏行之帝愛時風度選庶吉士命賢盡
用北人南人必若時者方可賢以語時俄中官牛玉宣
旨時謂玉曰南士出時上者不少何可抑之已選十五
人南六人與焉門達構賢帝惑之曰去賢行專用時矣
或傳其語時矍然曰李公有經濟才何可去因力直之
且曰賢去時不得獨留語聞帝意乃解帝大漸口占遺

命定后妃名分勿以嬪御殉葬凡四事付閣臣潤色時
讀竟涕下悲愴不自勝中官復命帝亦為頽涕憲宗即
位議上兩宮尊號中官夏時希周貴妃旨言錢后久病
不當稱太后而貴妃帝所生母宜獨上尊號賢曰遺詔
已定何事多言時曰李公言是也朝廷所以服天下在
正綱常若不爾損聖德非小頃之中官復傳貴妃旨子
為皇帝母當為太后豈有無子而稱太后者宣德間有
故事賢色變目時時曰今日事與宣德間不同胡后表

讓位退居別宮故在正統初不加尊今名分固在安得
為比中官曰如是何不草讓表時曰先帝存日未嘗行
今誰敢草若人臣阿意順從是萬世罪人也中官厲聲
怵以危語時拱手向天曰太祖太宗神靈在上孰敢有
二心錢皇后無子何所規利而為之爭臣義不忍默者
欲全主上聖德耳若推大孝之心則兩宮並尊為宜賢
亦極言之議遂定及將上寶冊時曰兩宮同稱則無別
錢太后宜加兩字以便稱謂乃尊為慈懿皇太后貴妃

為皇太后越數日中官覃包至內閣曰上意固如是但迫于太后不敢自主非二公力爭幾悞大事時閣臣陳文默無語間包言甚愧禮成進吏部右侍郎兼學士同知經筵成化改元進兵部尚書兼官如故明年秋乞歸省三年二月詔趣還朝英宗寔錄成加太子少保兼文淵閣大學士四年慈懿太后崩詔議山陵時及商輅劉定之言太后作配先帝正位中宮陛下尊為太后詔示天下先帝全夫婦之倫陛下盡母子之愛于義俱得今

梓宮當合葬裕陵主當祔廟此不易之禮比聞欲別卜
葬地臣等實懷疑懼竊謂皇上所以遲疑者必以今皇
太后萬壽後當與先帝同尊自嫌二后並配非祖宗制
考之於古漢文帝尊所生母薄太后而呂后仍祔長陵
宋仁宗追尊生母李宸妃而劉后仍祔太府今若陵廟
之制稍有未合則有乖前美貽譏後葉于是諸大臣相
繼言之帝猶重違太后意時偕朝臣伏文華門泣請帝
與太后皆感動始從時議羣見三台時等言外廷大政

固所當先宮中根本尤為至急諺云子出多母今嬪嬙
衆多維熊無兆必陛下愛有所專而專寵者已過生育
之期故也望均恩愛為宗社大計時帝專寵萬貴妃妃
年近四十時故云然而又言大臣黜陟宜斷自宸衷或
集羣臣僉議不可悉委臣下使大權旁落帝雖不能從
而心嘉其忠都御史項忠討滿四不利朝議使撫寧侯
朱永將京軍往赴永故難其行多所邀請時惡其張大
且度軍可無行第令整裝待會忠馳奏已圍賊石城帝

遣中官懷恩黃賜偕兵部尚書白圭程信等至閣議時
日賊四出攻剽鋒誠不可當今入石城自保我軍圍甚
固此困獸易禽耳信曰安知忠不退師時曰彼部分已
定何故自退且今出師度何時到信曰來春時曰如此
益緩不及事事成敗冬月決矣信忿出危言曰忠若敗
必斬一二人然後出師衆危之問時何見曰觀忠疏曲
折知其能若聞別遣禁軍將退避不敢任賊不可知矣
時惟商輅然其言至冬賊果平人乃大服改吏部尚書

五年得疾在告踰三月帝趣赴閣視事免朝參是冬無雪疏言光祿寺採辦各城門抽分掊剋不堪而獻珍珠寶石者倍估增值漁竭帑藏乞革其弊以惠小民帝優詔褒納畿輔山東河南旱請免夏租鹽鈔及太僕寺賠課馬京師米貴請發倉儲五十萬石平糶並從之時以舊臣見倚重遇事爭執無所避而是時帝怠于政大臣希得見萬安同在閣結中貴戚晚上下墜隔時頗懷憂七年疾復作乞致仕帝慰留之不得去冬彗復見時言

政本七事一毋惑佛事糜金錢二傳旨專委司禮監毋令他人以防詐偽三延見大臣議政事四近幸賜予太多工匠冒官無紀而重囚死徙者法不蔽罪宜戒淫刑僭賞五虛懷受諫勿惡切直六戒廷臣毋依違凡政令失當直言論奏七清理牧馬草地減退勢要莊田皆切中時弊寧晉伯劉聚為從父太監永誠請封謚且乞祠額禮部執故事却之帝特賜額曰褒功命內閣擬封謚時等言即予永誠將來守邊內臣皆援此陳乞是變祖

宗法自今日始或言宋童貫封王時曰貫封王在徽宗末年豈盛世事耶乃寢時每因災變上言或留中或下所司多阻隔悒悒不得志五年以後凡七在告帝輒命醫就視數遣內臣賜賚十一年正月以秩滿進少保踰月卒年六十贈太師謚文憲時立朝三十年孜孜奉國持正存大體公退未嘗以政語子弟有所論薦不使其人知燕居無情容御服儉約無聲樂之奉非其義不取有古大臣風

商輅字弘載淳安人舉鄉試第一正統十年會試殿試

皆第一終明之世三試第一者輅一人而已除修撰尋

與劉儼等十人進學東閣輅丰姿瓌偉帝親簡為展書

官邸王監國以陳循高穀薦入內閣叅機務徐瑄倡南

遷議輅力沮之其冬進侍讀景泰元年遣迎上皇于居

庸進學士三年錦衣指揮盧中令校尉上變告上皇與

少監阮浪內使王瑤圖復位帝震怒捕二人下詔獄窮

治之忠莖于術者同寅寅以大義折之且曰此大凶兆

死不足贖忠懼佯狂以冀免輅及中官王誠言于帝曰
忠病風無足信不宜聽妄言傷大倫帝意少解乃並下
忠獄坐以他罪降為事官立功殺瑤錮浪于獄事得不
竟太子既易進兵部左侍郎兼左春坊大學士如故賜
第南薰里塞上腴田率為豪民占據輅請覈還之軍開
封鳳陽諸府飢民流濟寧臨清間為有司驅逐輅憂其
為變請招墾畿內八府間田給糧種民皆有所歸鍾同
章綸下獄輅力求得無死寰宇通志成加兼大常卿景

帝不豫羣臣請建東宮不許將繼奏輅援筆曰陛下宣
宗章皇帝之子當立章皇帝子孫聞者感動以日暮奏
未入而是夜石亨輩已迎復上皇明日王文于謙等被
收召輅與高穀入便殿溫旨諭之命草復位詔亨密語
輅赦文毋別具條款輅曰舊制也不敢易亨輩不悅諷
言官劾輅朋奸下之獄輅上書自愬復儲疏在禮部可
覆驗不省中官興安稍解之帝愈怒安曰向者此輩創
議南遷不審置陛下何地帝意漸釋乃斥為民然帝每

獨念輅朕所取士嘗與姚夔侍東宮不忍棄之以忌者

竟不復用成化三年二月召至京命以故官入閣輅疏

辭帝曰先帝已知卿枉其勿辭首陳勤學納諫儲將防

邊省冗官設社倉崇先聖號廣造士法凡八事帝嘉納

之其言納諫也請召復元年以後建言被斥者于是羅

倫孔公恂等悉復官明年彗星見給事中董旻御史胡

深等劾不職大臣並及輅御史林誠詆輅曾與易儲不

宜用帝不聽輅因求罷帝怒命廷鞫諸言者欲加重譴

輅曰臣嘗請優容言者今論臣反責之如公論何帝悅
旻等各予杖復職尋進兵部尚書久之進戶部宋元通
鑑綱目成改兼文淵閣大學士皇太子立加太子少保
進吏部尚書十三年進謹身殿大學士輅為人平粹簡
重寬厚有容至臨大事決大議毅然莫能奪仁壽太后
莊戶與民爭田帝欲徙民塞外輅曰天子以天下為家
安用皇莊為事遂寢乾清宮門災工部請採木川湖輅
言宜少緩以存警畏從之悼恭太子薨帝以繼嗣為憂

紀妃生皇子六歲矣左右畏萬貴妃莫敢言久之乃聞于帝帝大喜欲宣示外廷遣中官至內閣諭意輅請敕禮部擬上皇子名于是廷臣相率稱賀帝即命皇子出見廷臣越數日帝復御文華殿皇子侍召見輅及諸閣臣輅頓首曰陛下踐阼十年儲副未立天下引領望久矣當即立為皇太子安中外心帝領之是冬遂立皇子為皇太子初帝召見皇子留宮中而紀妃仍居西內輅恐有他患難顯言偕同官上疏曰皇子聰明岐嶷國本

攸繫重以貴妃保護恩踰已出但外議謂皇子母因病
別居久不得見宜移就近所俾母子朝夕相接而皇子
仍藉撫育于貴妃宗社幸甚由是紀妃遷永壽宮踰月
妃病篤輅請曰如有不諱禮宜從厚且請命司禮監奉
皇子過妃宮問視及製衰服行禮帝皆是之帝將復邸
王位號下廷議輅極言王有社稷功位號當復帝意遂
決帝建玉皇閣于宮北命內臣執事禮與郊祀等輅等
爭罷之黑青見疏弭災八事曰番僧國師法王母濫賜

印章四方常貢外勿受玩好許諸臣直言分遣部使慮
囚省冤獄停不急營造寔三邊軍儲守沿邊關隘設雲
南巡撫帝優詔褒納中官汪直之督西廠也數興大獄
輅率同官條直十一罪言陛下委聽斷于直直又寄耳
目于羣小如韋瑛輩皆自言承密旨得顯刑殺擅作威
福賊害善良陛下若謂撻奸禁亂法不得已則前此數
年何以帖然無事且曹欽之變由逄杲刺事激成可為
懲鑒自直用事士大夫不安其職商賈不安于途庶民

不安于業若不亟去天下安危未可知也帝愠曰用一
內豎何遽危天下誰主此奏者命大監懷恩傳旨詰責
厲甚輅正色曰朝臣無大小有罪皆請旨逮問直擅抄
沒三品以上京官大同宣府邊城要害守備餼項不可
缺直一日械數人南京祖宗根本地留守大臣直擅收
捕諸近侍在帝左右直輒易置直不去天下安得無危
萬安劉珣劉吉亦俱對引義慷慨恩等屈服輅顧同列
謝曰諸公皆為國如此輅復何憂會九卿項忠等亦劾

直是日遂罷西廠直雖不視廠事寵幸如故譖輅嘗納
指揮楊昇賄欲脫其罪輅不自安而御史戴縉復頌直
功請復西廠輅遂力求去詔加少保賜敕馳傳歸輅既
去士大夫益俛首事直無敢與抗者矣錢溥嘗以不遷
官作禿婦傳以譏輅高瑤請復景帝位號黎淳疏駁極
詆輅輅皆不為較待之如平時萬貴妃重輅名出父像
屬為贊遺金帛甚厚輅力辭使者告以妃意輅曰非上
命不敢承也貴妃不悅輅終不顧其和而有執如此及

謝政劉吉過之見其子孫林立歎曰吉與公同事歷年未嘗見公筆下妄殺一人宜天之報公厚輅曰正不敢使朝廷妄殺一人耳居十年卒年七十三贈太傅謚文毅子良臣成化初進士官翰林侍講

劉定之字主靜永新人幼而異稟父授之書日誦數千言不令作文一日偶見所為祀竈文大異之舉正統元年會試第一殿試及第授編修京城大水應詔陳十事言號令宜出大公裁以至正不可苟且數易公卿侍從

當數召見察其才能心術而進退之降人散處京畿者
宜漸移之南方郡縣職以京朝官補使迭相出入內外
無畸重薦舉之法不當拘五品以上可倣唐制朝臣遷
秩舉一人自代吏部籍其名而簡用之武臣子孫教以
韜畧守令牧養為先務毋徒取幹辦羣臣遭喪乞永罷
起復以教孝僧尼蠹國當嚴絕富民輸粟授官者有犯
宜追奪疏入留中十三年弟寅之與鄰人相訐辭連定
之下獄得白秩滿進侍講景帝即位復上言十事曰自

古如晉懷愍宋徽欽皆因邊塞外破藩鎮內潰救援不
集馴致播遷未若有今日以天下之大數十萬之師奉
上皇于漠北委以與寇者也晉宋遭禍亂棄故土偏安
一隅尚能奮于既衰以禦方張之敵未有若今日額森
乘勝直抵都城以師武臣之衆既不能奮武以破賊又
不能約和以迎駕聽其自來而自去者也國勢之弱雖
非旦夕所能強豈可不思自強之術而力行之臣愚敢
畧陳所見近日京軍之戰但知堅壁持重而不能用奇

制勝至前敗而後不救左出而右不隨謂宜倣宋吳玠
吳玠三疊陣法互相倚恃迭為救護至鐵騎衝突必資
刀斧以制之郭子儀破安祿山八萬騎千人各執長刀
如牆而進韓世忠破烏珠拐子馬用五百人執長斧上
砍人胷下砍馬足是刀斧揮霍便捷優于火鎗也紫荊
居庸二關名為關塞寔則坦途今宜增兵士繕亭障塞
蹊隧陸則縱橫掘塹名曰地網水則潛泉令深名曰水
櫃或多植榆柳以制奔突或多招鄉勇以助官軍此皆

古所嘗為已有明效往者奉使之臣充以驛人馭夫招
釁啟戎職此之故今宜擇內蘊忠悃外工專對若陸賈
富弼其人者使備正介之選庶不失辭辱國臣于上皇
朝乞徙漠北降人知謀短淺未蒙採納比乘國釁奔師
故土寇掠畿甸者屢見告矣宜乘大兵聚集時遷之南
方使與中國兵民相錯雜以牽制而率化之且可省俸
給減漕輓其事甚便天下農出粟女出布以養兵也兵
受粟于倉受布于庫以衛國也向者兵士受粟布于公

門納月錢于私室于是手不習擊刺之法足不習進退之宜第轉貸為商執技為工而以工商所得補納月錢民之膏血兵之氣力皆變為金銀以惠奸宄一旦率以臨敵如驅羊拒狼幾何其不敗也今宜痛革其弊一新簡練之政將帥踵舊習者誅毋赦如是而兵威不振者未之有也令守隘民猶將帥之剝兵也宜嚴糾考慎黜陟犯贓者舉主與其罰然後貪默者寡薦舉者慎民安而邦本固矣古販繒屠狗之夫俱足助成帝業今于謙

楊善亦非出自將門然將能知將宜令各舉所知不限門閥公卿侍從亦令舉勇力知謀之士以備將材庶搜羅既廣禦侮有人昔者漢圖恢復所恃者諸葛亮及宋禦金所恃者張浚彼皆忠義宿著功業久立及街亭一敗亮辭丞相符離未捷浚解都督何則賞罰明則將士奮也昨德勝門下之戰未聞摧陷強寇但迭為勝負互殺傷而已雖不足罰亦不足賞乃石亨則自伯進侯于謙則自二品遷一品天下未聞其功但見其賞豈不怠

忠臣義士之心乎可令仍循舊秩勿躐新階他日勛名著而爵賞加正未為晚夫既與不忍奪者姑息之政既進而不肯退者患失之心上不行姑息之政下不懷患失之心則治平可計日而望也向者御史建白欲令大臣入內議政疏寢不行夫人主當總攬威權親決機務政事早朝未決者日御便殿使大臣敷奏言官察其邪正而糾刻之史官直書簡冊以示懲勸此前代故事祖宗成法也願陛下遵而行之若僅封章入奏中旨外傳恐

偏聽獨任致生奸亂欲治之化誠難矣人主之德欲其
明如日月以察直枉仁如天地以覆羣生勇如雷霆以
收威柄故司馬光之告君以仁明武為言即中庸所為
知仁勇也知仁勇非學而能之哉夫經莫要于尚書春
秋史莫正于通鑑綱目陛下留心垂覽其于君也既知
禹湯文武之所以興又知桀紂幽厲之所以替而趨避
審矣于馭內臣也既知有呂強張承業之忠又知有仇
士良陳弘志之惡于馭廷臣也既知有蕭曹房杜之良

又知有李林甫楊國忠之奸而用舍當矣如是則于知
仁勇之德豈不大有助哉苟徒如向者儒臣進講誦述
其善諱避其惡是猶恐道路之有陷穽閉目而過之其
不至于冥行顛仆者幾何今天下雖遭大創尚如金甌
之未缺誠能本聖學以見之政治臣見國勢可強仇恥
可雪兄弟之恩可全祖宗之制可復亦何憚而不為此
書奏帝優詔答之三年遷洗馬額森使者乞遣報使帝
堅不許定之疏引故事以請帝下廷議竟不果遣久之

遷右庶子天順改元調通政司左叅議仍兼侍講尋進翰林學士憲宗立進太常少卿兼侍讀學士直經筵成化二年十二月以本官入直文淵閣進工部右侍郎兼翰林學士江西湖廣災有司方徵民賦定之言國儲充積倉庾至不能容而此張口待哺之氓乃責其租課非聖主恤下意帝感其言即命停徵四年進禮部左侍郎萬貴妃專寵帝后希得見儲副未兆邸王女及笄未下嫁定之因久旱並論及之且請經筵兼講太祖御製之

書斥異端邪教勿令害政耗財帝留其疏不下五年卒
官贈禮部尚書謚文安定之謙恭質直以文學名一時
嘗有中官命製元宵詩內使却立以俟據案伸紙立成
七言絕句百首又嘗一日草九制筆不停書有質宋人
名字者就列其世次

贊曰英宗之復辟也當師旅飢饉之餘民氣未復奸佞
內訌柱石傾移朝野多故時事亦孔棘矣李賢以一身
揔柱其間沛然若有餘獎勵人材振飭綱紀迨憲孝之

世名臣相望猶多賢所識拔偉哉宰相才也彭時商輅
侃侃守義盡忠獻納粹然一出于正其于慈懿典禮非
所謂善成君德者歟輅科名與宋王曾宋庠埒德望亦
無媿焉呂原岳正劉定之雖相業未優而原之行誼正
之氣概定之之建白咸有可稱故以時次並列于篇

明史卷一百七十六

欽定四庫全書

明史卷一百七十六考證

李賢傳卒年五十九帝震悼贈太師謚文達

臣黃壽

齡按識大錄賢卒輟朝一日賜鈔一萬緡史未之載
謹附識

呂原傳貧不能歸葬厝於景原時至殯所慟哭

臣黃

壽齡按既云厝于景則下文即不當云墓矣今改擬
將至墓句酌改為時殯至所慟哭計字數多原版一

字擬刪本行南字勻刻以符字數

彭時正統十三年進士第一授修撰

臣黃壽齡按

識大錄時授修撰時初謝恩以誤入朝被劾上唯命
錦衣衛尋索而已謹附識



總校官編修臣吳紹濬